

جریدہ علیہ

مشيخت جليله اسلاميه نك جريدہ رسميه ميبر

۱۵ جمادی الاولی ۱۳۳۸

عدد ۵۳

اون بش کونده بر نشر اولنور

بشغي منه

الله اوضح واضحات . هرشيدن بين . كوش كې ميدانده . تعمق ايچون كوزيكي
فضله جه توجه ايدرسك قاماشدريز . فضله سنه تحمل ايدمه سرك . تعمق كنه باري ذاتاً
ممکن دكل . حريم سرادقات ازليه سنه طوغروال اوزاتمي بزم ايچون ممکن دكل .
اكر كوشه دليل آراسه ك دليل كنديسيدر . باشقه دليل آرانماز . آرايه جق اولورسه
آدمه دلي ديرلر . ان شاء الله كله جك درس بوابات واجب دلائلي ايضاح ايدرز . بختر
چوق مهمدر . فقط ايضاحنه زمان مساعد دكل . ناچاره ؟ مالايدرك كله لايترك كله .
يوكون بو قدرله اكتفا ايدم . (اللهم ربنا آتنا في الدنيا حسنة وفي الآخرة حسنة وقنا عذاب النار)

دارالحكمة الاسلاميه طشره تشكيلاقي

طشره انجمنلريك بدايت تشكندن بري تعليماتنامه نك ايجاب ايتيرديكي مواد احكامنك اجراسنه
عائر اتخاذ ايلديكاري مقررات وتشبثات ايله آله ايدلين نتايجي ميبين برر قطعه راپور ارسال ايللري
اخيراً بالعموم مفتيلكلره تبليغ اولمشدي بوبابده باليكسري دارالحكمة انجمنندن وارد اولان راپور
اهميتنه بناءً بروجه آتي عيناً درج اولنور :

اولجه مقام عاليلرينه عرض ايلديكي وجهله بوراجه ده بردارالحكمة الاسلاميه انجمنی
تشكيلى حقنده شرفقواردر امر سموحيلري اوزره وتعليماتنامه نك ۲ نجی ماده سی موجبجه
تشكيل ايدن هيتمز مقصدتشكلكلي محلي حكومتنه تبليغ ايلديكي كې حقائق ومعالی اسلاميه نك
نشر وتعميمي و تربيه دينيه نك تقويه سی خصوصنده كي وظائفني آئیده مندرج [۱] نومرولی
بياننامه ايله وقره سی غرضه سيله نشر واعلان ايلش ومؤخرآده ايكننجي بياننامه يي [۲] نومرولی
نشر واعلان ايلكده بولمئشدر .

— انجمنمز هفته ده بر ويا مناسب كوردكي كونلرده يشللي جامع شريفی اتصالنده
و فوقانی اوطه ده بالا اجتماع مقصده وصول ايچون تعليماتنامه نك اجراسنی امر ايلديكي موادی
على حسب الامكان وجوه آتیه دائره سنده تطبيق ايلش وايلكده بولمئشدر .

اولاً — انجمنك بدايت تشكلكنده رمضان شريف تقرب ايتديكندن ابتدا داخل
شهرده ۸ نجی ماده موجبجه خلق ضروريات دينيه ومعالی اسلاميه ومكارم اخلاقيه

ترغیب ایچون موعظه لر ایرادینی تنسیب و بالفعل موظف اولان واعظ و در سعام افندیلرده ضمیمه علمای محلیه دن مناسب ذواتی مختلف و قتلرده جوامع شریفه ده وعظ و نصیحت اجراسی ایچون توظیف ایلمش اولدینی کی رمضان شریف مناسبتیه قرایه کیده جک واعظ افندیلریده یکان یکان بالدعوه بولندقلری یرلرده اهالی اسلامیه نه صورتله اجرای نصایح ایلملری لازمکدیکنی ایضاح و بالخاصه شوزمانلرده کثرتله وقوعه کلن ، یلانچی شاهدلکی ، نکاح علی النکاح امور دینه ده تکاسل و سائر کی فضایحدن اجتناب ایدلمسی حقنده جدی نصیحتلر اجراسنی توصیه ایلمش و یالطبع بونلرک حسن تأثیری کورولمشدر .

ثانیاً — ۵ نجی و ۱۰ نجی ماده لرده تصریح ایدلدیکی اوزره حاجا وقوعه کلن و بر سیر سریع ایله انتشار و توسع ایلمکده بولنان اخلاقمنزلک ازاله سی و اخلاق و اعمالده کی مفاسد و نقائصی نظر اعتبارده الهرق ، تیاترو نامی آلتنده قادین اویناتق ، چارشی ایچلرندم قنوغرافلر چالتمق ، تفرج دیه قادین وارککلک برآراده کزوب یورومه لرینی حکومت محلیه واسطه سیله منع ایستدیرمک و بالخاصه رمضان شریفده علی ملأ الناس نقض صیام ایتمه نک قانوناً ممنوع اولدینقی ماده مخصوصه سنی ارئه صورتیه حکومتک نظر دقتی جلب ایتکه قرار ویرمش : کرک شفاهی و کرک آتیده صورتی مندرج [۳] نومرولی تقریر ایله حکومته مراجعت ایلمشدر . واقعا حکومت جانبدن بعض خصوصاتده کوستریلن مظاهرت اوزرینه اووقت تیاترو منع ایدلدیکی کی کرک بو و کرک اهالیده اوینادیریلان حس دیانت و صلابته سایه سنده متقدم رمضان شریفلرده اولدینقی کی علناً نقض صیام ایدلمسنه میدان ویرلمه مش و قادینلرک ارککلرله برآراده کزملریده بر درجه یه قدر معیب عد ایدلمک صردسینه کتیرلمش ایسه ده حکومت محلیه طرفندن دهافضله براعتنا ایله مسئله مذکورهنک تعقیبی لازمکلمسنه بناءً شمیدلک بوجهتک تأمیننه کرکی کی موفقیت آلویرمه مشدر . مع هذا انجمن مزجه تشبثات لازمه اجراسندن کری دورولما مقده در .

ثالثاً — ۷ نجی ماده موجبنه خلقک اوقات خمسه ده جماعته مواظبته اهتمام ایدیلرک انجمن اعضاسی طرفندن هر مجلسده بوجهتله موضوع بحث و مقال ایدلمک صورتیه ارشاد ناسه دلالت ایدلمکده بولنله مشدر .

رابعاً — تعلیماتنامه نک ۱۱ نجی ماده سنک اجرای اقتضاسی ضمیمه مکاتب مدیران و معلملریله تأسیس مناسبت ایله وقوعبولان اختطارات خیرخواهانه نتیجه سی اوله رق بتون

مکاتبه تدریسات دینیہ نک حسن صورتہ اجراسنی تأمینہ بذل مقدرت ایدلسکده ومکاتب مدیران ومعلمینک کوستردکاری حس دیانتہ بناءً له الحمد شمدیلک مکاتبه جماعتله نماز قیلنمغه اہتمام ایدلسکده وانجمنزاعضاسیدہ بوبادہ کی وظیفہ مهمہ سنی هیچ بروقت فراموش ایلہ مکده در .

بورادہ کی دارالخلافۃ العلیہ مدرسہ سی مدرسینی ذاتاً صلابت دینیہ یی حائز واکثریسی دارالحکمة الاسلامیہ انجمنی اعضاسندن عبارت اولمغلہ اوجهتک کرک تدریسات وکرکسہ عملیات دینیہ سی طبیعی مطلوب درجہ در جریان ایتکده در .

— لاحقہ : انجمنزاعضاسی واقع ووقوعی ملحوظ مفاسد ونقائص اعمالک ازالہ سندہ وفحشیاتک منع ورفغندہ هر وقت حکومت محلیہ نک نظر دقت ومعاونتی جاب ایتک لزومی حس ایتکله بوبادہ کی تشبثاتک بر نتیجہ مسعودیہ اقترانی آرزوسی اظهار ایتکده ایسہ ده وقوع عہولہ حق معاونتک درجہ سنی تعییندمتردد اولدیغندن اوجهتک حکومت مرکزیہ طرفدن تبلیغات اجراسنک تأمینہ وابستہ بولسی جہتیلہ دارالحکمة الاسلامیہ نک بوخصوص حقندہ کی مهماتک اک زیادہ حائز تأثیر اولہ جفی قناعتی بسار . اونسکله برابر انجمنزک دہا زیادہ فعالیت ابرازی ایچون تخصیصات اعطاسی وبونکده خزینہ دولتہ بار اولمہ رق اجراسی لازمکلیکی تقدیرده اشرف ومتحیزان مملکتدن ومعارف وواقف مدیرلرینکده رجودی ایلہ دارالحکمة الاسلامیہ انجمنہ مربوط تالی برانجمن تشکیلہ وبوصورتہ افراد اہالینک محلات ہیئتلرینہ وانلرک تالی قومیسونہ وانلرکده دارالحکمة الاسلامیہ انجمنہ ارتباطی ایلہ اہالی اسلامیہ یی دارالحکمة الاسلامیہ اطرافندہ طویلامق واسلامی برتشکیلاتہ نوشتہ برآن اول امر ودالات بیورلمسنی ریاست علیہ سسموخیلرندن استرحام وانتظار ایلر افندم .

۱ نومرولی بیاننامہ :

کتب مقدسہ ایلہ تاریخ عمومی تماماً شہادت ایدرلرک : کلوب کچن بتون انسانلر کرک حق وکرکسہ باطل هیچ بر وقت حس دیانتدن ازادہ قالہ مامشلسر وحقی بوخصوصی انکارده اک ایلری کیدن بعض فیلسوفلر بیلہ قناعات وبیاناتی اراسندہ کی تنافی وتناقضلر ایلہ بو حقیقتی ضمناً اعتراف ایتکده بولنمشلسر در . بناءً علیہ وجدان کلینک شو شہادت

قطعیه سی بالتیجه اثبات ایدرکه : دینسر دولت و ملت اوله ماز . اولسه ده پایدار اولدینی
اوله میه جنی کبی متدین برملته استناد ایدن هر هانکی بر حکومت و سلطنت و جماعتک
ادامه موجودیت و قدرتیده افرادینک صلابت دینه ده کوستردیکی اقدام و ثبات ایلد مبسوطاً
متناسبدر . بالخاصه دین جلیل اسلامک بوباده پک بارز اولان تجلیاتی برسلسله تواتره
استناد ایدن تاریخ اسلام ، عیان ، بیان ارانه ایلکده در .

اوت : ارانه و اثبات ایتکده درکه احکام و قواعد اسلامیه رعایت وعدم رعایتله اتصاف
ایدن حکومت اسلامیه اقبال ایله ادبار اده سنده دائمی برلف و نشر مرتب تشکیل ایلک
بولنه کلسدر . اسلامیتک اکثر ربع مسکونی طوتوبده شعشمه پاش عالم اولدینی زمانلرله
ادباری خصوصنده قطع مراحل ایلدیک زمانلره مصادف افرادک دینی عقیده لری و آندن
متولد اخلاقی حرکتلری مقایسه ایدیلیرسه اراده کی فرق و تفاوت بو حقیقتی اثباته بر دلیل
کافیدر . ایشته ملت نجیبه اسلامیه بی بواساس قویم و حبل متین اطرافنده جمع ایدرک
سعادت دارینی مستجمع بر ناصیه پاک و ممتاز ایله عالم مدنیته ایصال و دولت ابد مدت اسلامیه
وعثمانیه بی تحکیم و تقویه ایله شرف و احتشام اسلامه موافق بر حاله افراغ ایچون علماء
اسلامیه بی بویوک وظیفه لر ترتب ایلک و کون کچوب زمان کسب نزاکت ایتدکجه بو وظیفه لر
دها زیاده اهمیت پیدا ایلکده در . اشبو مقصد عال العال و غایه مقدسه بی وصول ایچون
یا اراده سنیة حضرت خلافتیناهی در سعادتده تشکیل ایدیلن دار الحکمة الاسلامیه نك ناشر
افکاری اولوب بر طرفدن مکارم اخلاقیه و فضائل انسانیه بی نشر و تعمیم ایله ملتک رو حیاتی
شرع شرفک ایجاب ایتدیردیک بر صورتده تنظیم و اصلاح دیگر طرفدنده کرک حکومت
سنیه نك مظاهرتی و کرکمه نشریات و تلقینات دینه کبی وسائط مناسبه و مختلفه ایله اهالی
مسلمه نك مکلف و موظف اولدقلری فرائض و وجائب دینه بی حسن ایفایه اهتمام و منکرات
و منہیات و فحشیات متجاسر لری نهی و تحذیر ، مدارس و مکاتب اسلامیه تدریسانک
ایجابات دینه بی موفق اولسی جهتلری تأمیناً مراقبه وظیفه لر ایله مکلف اولق اوزره قره سی
مرکز لوانسند دخی اولباده کی امر و تعلیماتنامه سی وجهله تشکیک ایدن انجمننر عنایت
حضرت باری و امداد روحانیت جناب پیغمبری ایله ایفای وظیفه بی مباشرت ایلشدر .

۲ نومیرولی بیاننامه :

وجدان بشری الك شمولی و حقیقی معناسیله قبضه استیلا و تصرفه آلان و وضع الهی اومسی بوصورتلده مؤید بولنان برشی واریسه اوده دین و حسن دیاندر .

قبل التاریخ زمانلره عائد و کتب مقدسه نك ناطق اولدینی وجهله اجتماعیاتك اساسی دیانتك متانتلی طاشلریله آتیلمش و بو بنای محتشمك مزیاتیده هیچ شبهه سز اوفضیلتك ادوات قدسیه سیله چاقیلمشدر .

صحائف تاریخیه نك هر نقطه سی عیان ، بیان ارائه و اثبات ایدرکه : انسانلر بوتلره طاباچق ، مخلوقه سجده ایدمك قدر جهالت ابراز ایلدکری اوانده بیله علاقه دیانتدن ازاده قاله . امشیر و بویله غیر مرضی برحالدله اولسه بیله هیچ برزمان بو حقیقتك تجلیکاهی اولمقدن قورتولامامشدر .

جمعیت بشریه نك صحنة وجودده نصب اقدام فعالیت اتمی استعدادات فردیه سیله برنسبت تامه ده ظهوره کلدیکی بدیهی اولسنه منی فردی بودرجه اشغال و علاقه دار ایدن بر حقیقتك اجتماعیات اوزرنده کی تأثیرات فوق العاده سنی کیم انکار ایده بیلیر ؟ او حالده دین ، افراد ایچون بر لزوم خلقی ایسه امتزاجات عضویه فردیه دن متشکل بنیه جمعیات ایچونده شبهه سز مابه الحیاه و طیفه سنی ایفا ایتمکده در . فردلر کی جمعیتلرکده بتون ملکات حیانیه لرینی فیوضات دینه دن اقتباس ایلدکری بر قطعیت تاریخیه در . واکر بونک ندرتله عکسی ادعا ایدلسه بیله اوده غیر مجزوم و موقت و [وما لهم بذلك من علم ان هم الا یظنون] سرینک تجلیاتندن بشقه برشی دکدر . خصوصیه دین جلیل اسلام اضطراوات بشریه نك تهوین آلامی خصوصنده بر طیب حاذق و جراحات اجتماعیه نك التیامی امرنده بردوای قطعی حکم و ماهیتنده اولدیغندن آنک تلقینات حیاتیخاشی قدر بشریت ایچون بر نعمت عظمی تصور ایدیه مز . فصل تصور وادعا ایدیه بیلیرکه : بر قدرت قدسیه و خارق العاده ایله اولان وجدان بشر - فطرت اصلیه نك شهادتی وجهله - حقیقت علویه و صفات احدیتی علی وجه الصحه القا و اخلاق الهیه ایله متخلق اولمنی اوکر ، سکه بالجله کالات انسانیه و مکارم اخلاقیه نی اکتساب ایتدیردکنصوکره ، اولوالامر طاعت ، هر حال وکارده التزام عدالت ، قواعد لازمه اخوته رعایت ، [ومن يعمل مثقال ذره خیرا یره] بیورمله امرخیره دلالت کی

وجه احسن وابلغه حیات جمعیه اشتراکه دعوت و مسعدت دنیویه و اخروییه استجلابه بذل مقدرتی امر و توصیه ایتک انجق اودین مینک خاصیت ممتازه سندن در .

نه حاجت : دیانت مبعله اسلامیة دن مایم اوله رق عصر سعادت و آنی تعقیباً تأسس ایدن خلافت جلیله نك سیاست داخلی و خارجیة ده التزام ایلدیکی خط حرکت ایله حصوله كن وحدت افكار و جوالیت اجتماعی و اكا ضمیمه بر عصر تمام اولمه دن اقتطاف ایدیلن ثمرات و موفقیات خارجیة پیش انظار ابتصار ایدلده اودین مكرمك نه قدر علوی و قوی دساتیر اجتماعیة به ابتناء ایلدیکی تظاهر ایدر .

تبلیغات قرقانیة یی اس حرکت اتخاذ ایدوب سلاطین عظامنه [خادم الحرمين الشريفین] دینلمكه اكتساب فخر و مباهاة ایدن سلطنت سینه عثمانیه نك حائر اولدی یی او احتشام تاریخی هپ بوقوه معنویه دن بهره دیاب فیوضات اولسندن نشئت ایتمش ایدی .

ذاتاً تاریخاً و عقلاً معلوم و مجربدر ؛ بر قوم بر ملت آرالرنده کی روابط معنویه نه درجه رعایتكار قایلر و خصوصیه دیانته نه قدر صلابت کویسترسه آنك تشکیلات دولیه و اعتبارات بین الملیه ده موقعی رصین و نفوذی افزون اولور . بوکا مقابل بتون ملل و اقوامك اقبال وادبارنده حکمران اولان شوقانونك استثناء قبول ایتدیکی روایت ایدله مکده در .

او حلاله بر ملت حقده ادبار و تردی کوریلیرسه اونی اساساتنک نقصانلی و یا مجرد قوای مادیه سنك عدم کفایه سنده ارامیوب بلکه اساسات قدیمه مستحسنه سنده تحریفی و تجهیزات معنویه سنك فقدان و نقصانده ارامق لازمکلیر . هر کس بیلیر که معنویاتی تام و صاغلام اولان ملت ایچون [ایپکدن بلکه و کموشدن زنجیر] اعمالی هیچده کوچ برایش دکدر .

علاجك اجرای تأثیر ایچون مرضك تشخیصنه نه قدر احتیاج کوریلیر و یا بر مسئله حکمیة نك حل و ترکیات کیمیویه نك حصولی ایچون قوانین و دساتیر موضوعه سی بیلیمکه نه درجه لزوم حس ایدیلیرسه سلامت و سعادت ملك و ملت ایچونده بنیه فردیت و ملیتک اعصاب و عروقه حلول ایدن علل و امراض زهرویة اجتماعیة نك منشأ و اسباب ظهوری تحری و اکاکوره مداواتنه توسل ایتکده او قدر حیاتی بر لزوم و ضرورتدر . فکر مزجه بوجه تحری و تتبع ایدمك ملتک علماء و متفکرلری ؛ آنك و صایای خالصه و تنبیهات لازمه سنه اتباع حرکت ایدمكده افرادیدر .

لسان شرعده [امر بالمعروف و نهی عن المنکر] ایله افاده ایدیلن حقیقتك وجوب

على الكفایه اولمسیده بو حدى تضمن ایتمکده در . اونک ایچون برملک احتیاجات فردیه و اجتماعیه سنی تنظیمده نه درجه اصابت ایدیلر و سلاح معنوی ایله تجهیزى خصوصنده نه قدر کیاست کوستریلر سه او ملک احتشام وادامه حیاتنده اونستنده موفقیت آلد ایدیلر جکی کبی عکسی و قوعنده دخی خلاف حالک ظهور ایده جکی قطعی و بدیهدر .

عمران و مدنی ایله صحائف تاریخیه یی جداً تزین ایدن اندلس حکومت اسلامیه سنک افراد آراسنده میدان آلان احوال نالائقه نک اوکنه کچه مه مسی ایله اتخاذ ایلدیکی سیاست و وضعیت منفرد سی اوداراتک پای اعدا ایله تذلیل و تبا ایدلسنک یکانه باعث و مسبی در .

معروضات آنه ایله افاده ایتک ایستدیکنز : ملتیزک محافظه موجودیت و تعالی شان و شوکت ایده بیلیمی ایچون افراد اهلالتیزک متخلق اولدقلری اوصاف برکریده اسلامیه ده ثبات و صلابت کوسترملری لزومنی توصیه واکر بوندن انحراف ایدنلر وار ایسه — اخطارات خالصانه مزله — آنلریده طریق حقه دعوت ایتمکدن عبارتدر . و من الله التوفیق .

۲ کانون ثانی ۳۳۶

— مقام متصرفیه ویریلن [۳] نومرولی تقریر صورتیدر .

نک خطرناک بردور تاریخی ایچنده بولنان ملتیزک ماده فصل متبصر و متقیظ بولنسی بمقتضی ایسه قوای معنویه ایله ده اونستنده مجهز اولسی بر لازمه دینه در .

تاریخک شهادت قطعیه سه کوره ملتیزک اوان تعالیسی دین مبینمزه درجه رعایتله متناسباً تعاقب ایده کلشدر بناء علیه شواک مشکل زمانلرده انجمنمز نظر دقتدن دور ایده مدیکی بعض خصوصاتی نظرگاه سامیلرینه عرض ایتمکه اکتساب مباهات ایدر .

قواعد حقه اسلامیه رعایتی اقدم وظائف عد ایدن اهلالتیزک جابجا وقوعه کلن احوال نالائقه مواجهه سنده نه درجه متالم و متأثر اوله جنی وارسته عرض و ایضا حدر . اونک ایچون هر کسک سجده رحمانه قنوب تمنی سلامت ایتسی لازمه کلن بر زمانده براق سبکمز آنک قهوه کوشه لرنده داما ، طاوله اوینامسی ، ممرناس اولان جاده لر ؛ چارشى ایچلرنده فنو غراف چالمنی ، بعض کونلرده استاسیون جوارنده قادین ارککک برارده کرمسی کبی احوال اداب عمومیه اسلامیه یی اخلال و افکار عمومیه اسلامیه سوء تأثیر اجرا ایتمکده بولندیغدن بوکی حائلر قانون جزانک ۹۹ نجی ماده سنک ۳ نجی ذیلی موجبجه رعایتی لازمکلن قواعد حقنده کی قرارنامه نک ۴ نجی و ۶ نجی ماده لرینه تماس ایتمکده بولنسی

جهتيله منى اجساب ايلك اولدينى ملاحظه ايديلهرك شرعاً بادی اشم عظیم اولان مواد مذکوره وامثالک منع بیورلمسی هممات علیه متصرف اگر میلرندن منتظر ومسترح اولغله اولبابده وهر حالده امر و اراده افندم حضرتلرینکدر .

۲۴ شباط ۳۳۷ ۲۵ مایس ۳۳۶

داخلیه نظارت جلیله سنک مسکرات استعمال و بیعی منع حقنده کی تعمیمی [۱]

رومی ۱۳۲۶ - ۱۳۲۷ دستور ترتیب ثانی جلد ۳ ماده ۲۶۵ :

برکیمسه ممرناس اولان یرلرده ویا خلقک دخولی مجاز اولان مواقعه پک ظاهر بر صورتده یعنی آثار و علائمی قابل ستر و اخفا اولیه جق مرتبه ده سرخوش اوله رق یقالانیرسه بر لیرایه قدر جزای نقدی ایله مجازات اولنور . مکرر لر حقنده اشبو جزا بر هفتیه قدر حبس و یا بش لیرایه قدر جزای نقدیدر . مکرر لک اعتیاد درجه سنه وارمش ایسه جزا بش لیرادن یکریمی بش لیرایه قدر جزای نقدی و یا بر هفتیه دن بر آیه قدر حبسدر . اعتیاد صورتیه محکوم اولان شخص مأمورین دولتده بولندینی صورتده مأموریتندن موقتاً طرد دخی ایدیله ییلیر . بوجه محرر سرخوشلده کی اعتیاد ابتلا درجه سنده ایسه آلتی آیدن نقصان اولماق و مصارفی کندیسنه عائد اولق شرطیه صلاحی طباً تبیین ایدنجیه قدر بر خسته خانه ده توقیفه حکم اولنور .

رومی ۱۳۲۶ - ۱۳۲۷ دستور ترتیب ثانی جلد ۳ ماده ۲۶۵

هنوز اون سکر یاشنی اکمال ایلدیکی ظاهر حالندن نمایان اولان کنج کیمسه لره وجودینک تدای و تقویه سنه عائد اولان مسکرات مستثنا اولق اوزره سرخوش ایدم جک بر ایچکی و یا بر ماده یی ولو من غیر قصد اولسون ایچیرن ویا ایچمسنی اکرام صورتیه کذلک من غیر قصد تشویق ایدق کیمسه یکریمی بش غروشدن بر آلتونه و بو فعل اغفال صورتیه وقوع بولورسه اون آلتونه قدر جزای نقدیه مجازات اولنور . فاعل عیش و عشرت محلک صاحبی ویا مستخدمی اولدینی صورتده بر آلتوندن یکریمی آلتونه قدر جزای نقدی و یکریمی درت ساعتدن آلتی ماهه قدر حبس ایله مجازات اولنور . بر سنه ظرفنده تکرر وقوعنده او محکوم مدت مناسبه ایله قیامسنه دخی حکم ویریله ییلیر . بر عیش و عشرت محلک صاحبی ویا مستخدمینی یوقاریده بیان اولدینی صورتده سرخوش اولان بر مشترییه ایچکی ویا بر ماده یی ویریرسه یکریمی بش غروشدن بش آلتونه قدر و تکرر وقوعنده ایکی آلتوندن اون آلتونه قدر جزای نقدی آلتمله برابر اول محکوم مدت مناسبه قیامسنه حکم ویریله ییلیر . کندیسنی اداره یه مقتدر اوله میه جق حالده بولنان مشتری یی محافظه ایچون تدابیر اتخاذ ایتیوب زقاغه براقور ایسه بالاده مندرج جزادن ماعدا یکریمی درت ساعتدن بر ماهه قدر حبس ایله مجازات اولنور . و سرخوش بویوزدن خسته لغه دوچار اولدینی حالده تدایوسنه عائد مصارفی دخی تضمینه محکوم ایدیلیر .

[۱] الی ایکنجی نسخه دن مابعد